



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-I/25-2-40-403-4/21**

Datum: **18.10.2021. god**

«Agencija za vodno područje rijeke Save» Sarajevo rješavajući po zahtjevu Investitora Ismičić Kemala iz Maglaja, zastupanog po punomoćnici Hasanić Šefki iz Maglaja, za donošenje Rješenja o vodnoj saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta farme za ovce u naselju Brezove Dane, općina Maglaj, na osnovu člana 139. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj saglasnosti**

1. Investitoru Ismičić Kemalu iz Maglaja, daje se vodna saglasnost za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta farme za ovce kapaciteta 90 grla, koji se planira graditi u naselju Brezove dane, na zemljištu označenom kao k.č. broj: 1094/1 K.O. Brezove Dane, općina Maglaj, a na osnovu projektna dokumentacije:

- Glavni projekat prikupljanja, odvodnje i tretmana otpadnih voda za planirani poljoprivredni objekat – farma za ovce na parceli k.č. 1094/1 K.O. Brezove Dane, općina Maglaj, urađen od «TZI-INŽENJERING» d.o.o. Sarajevo, broj: 310/2021, maj 2021. (revidovan od «ATRIUS PROJEKT» d.o.o. Živinice, septembar 2021.).

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.

- Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
- Vodna saglasnost se donosi na osnovu pregleda dostavljene projektna dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
 - Radove na izgradnji sistema za prikupljanje, odvodnju i zbrinjavanje otpadnih voda nastalih u postupku pranja i čišćenja objekta za uzgoj, kao i radove na izgradnji objekta za zbrinjavanje đubriva, izvesti u skladu sa ovjerenom projektnom dokumentacijom iz tačke 1. ovog Rješenja.
 - Objekti za prikupljanje, odvođenje i zbrinjavanje otpadnih voda od pranja objekta i opreme kao i objekti za zbrinjavanje đubriva moraju se ispitati na vodonepropusnost.
 - U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim i postojeće korisnike voda.
 - Prilikom izvođenja radova iskopani materijal se ne smije ni privremeno odlagati na česticu «vodno dobro», odnosno u vodotoke i na njegove obale.
 - Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 05-19-3-229/21 od 26.07.2021. izdatog od Službe za urbanizam, geodetske i imovinskopravne poslove Općine Maglaj.
- Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procjenjenu štetu nadoknaditi.
- Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektu obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
- Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se

dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine FBiH» broj 31/15, 55/19 i 41/20).

7. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
8. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeta izgradnja.
9. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor Ismičić Kemal iz Maglaja, zastupan po punomoćnici Hasanić Šefki iz Maglaja, zahtjevom, zaprimljenim 03.09.2021., zatražio je izdavanje vodne saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada objekta farme za ovce kapaciteta 90 grla, koji se planira graditi u naselju Brezove dane, na zemljištu označenom kao k.č. broj: 1094/1 K.O. Brezove Dane, općina Maglaj, a u postupku pribavljanja odobrenja za građenje.

Uz zahtjev nije dostavljena dokumentacija koja je propisana članom 8. i 19. stav (2) Pravilnika o sadržaju, obliku, uvjetima, načinu izdavanja i čuvanja vodnih akata te je dopisom broj: UP-I/25-2-40-403-2/21 od 24.09.2021., zatražena dopuna dokumentacije neophodne za vođenje upravnog postupka od strane ove Agencije. Investitor je dopunio zahtjev u traženom roku.

U provedenom postupku dostavljena je i pregledana sljedeća dokumentacija:

- Kopija lične karte Investitora,
- Dokaz o uplaćenju upravnoj taksi,
- Kopija Rješenja o urbanističkoj saglasnosti za izgradnju poljoprivrednog objekta – farme za ovce broj: 05-19-3-229/21 od 26.07.2021. izdatog od Službe za urbanizam, geodetske i imovinskopravne poslove Općine Maglaj,
- Kopija Zahtjeva za davanje mišljenja vezano za okolinsku dozvolu upućenog dana 25.08.2021. Ministarstvu za prostorno uređenje, promet i komunikacije i zaštitu okoliša Zeničko-dobojskog kantona,
- Kopija Rješenja o prethodnoj vodnoj saglasnosti broj: UP-I/25-1-40-141-6/21 od 26.05.2021. izdatog od «Agencije za vodno područje rijeke Save» Sarajevo,
- Glavni projekat prikupljanja, odvodnje i tretmana otpadnih voda za planirani poljoprivredni objekat – farma za ovce na parceli k.č. 1094/1 K.O. Brezove Dane, općina Maglaj, urađen od «TZI-INŽENJERING» d.o.o. Sarajevo, broj: 310/2021, maj 2021. (na uvid i ovjeru),
- Konačni izvještaj o izvršenoj reviziji projektne dokumentacije, urađen od «ATRIUS PROJEKT» d.o.o. Živinice, broj: V-25-09/21, septembar 2021. (na uvid).

Nakon uvida u dostavljenu dokumentaciju konstatovano je sljedeće:

- Objekat farme za ovce se planira graditi u naselju Brezove Dane, općina Maglaj. Parcela na kojoj se planira graditi predmetni objekat se ne nalazi u vodnom dobru, poplavnom području vodotoka I kategorije, niti u području zaštitnih zona površinskih i podzemnih voda.
- Planiran je prizemni objekat kapaciteta 90 ovaca, smještenih u 2 boksa po 45 ovaca u kome će se vršiti uzgoj, muža, janjenje, šišanje.
- Đubrivo, nakon završenog ciklusa, će se prikupljati u armirano-betonsku lagunu, do konačnog odvoza na poljoprivredne površine.
- Otpadne vode od povremenog pranja unutrašnjosti objekta će se prikupljati sistemom slivnika i kanalizacione mreže i odvoditi u đubrišnu jamu bez ispusta.
- Oborinske vode sa krova objekta će se ispuštati na zelene površine.
- Predviđeno je da se snabdijevanje vodom obezbijedi iz rezervoara na lokaciji u koji će se voda dopremati cisternama iz mjesnog vodovoda Novi Šeher.
- Projektna dokumentacija je urađena u skladu sa uslovima iz prethodne vodne saglasnosti izdate od ove Agencije.

Urbanističke uslove za izgradnju predmetnog objekta, podnosiocu zahtjeva je kroz izdato Rješenje o urbanističkoj saglasnosti izdala Službe za urbanizam, geodetske i imovinskopravne poslove Općine Maglaj.

Projektna dokumentacija, dostavljena uz zahtjev, urađena je i revidovana od strane pravnih lica koja imaju Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste «A»).

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-I/25-1-40-141-6/21 od 26.05.2021., te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat prikupljanja, odvodnje i tretmana otpadnih voda za planirani poljoprivredni objekat – farma za ovce na parceli k.č. 1094/1 K.O. Brezove Dane, općina Maglaj, urađen od «TZI-INŽENJERING» d.o.o. Sarajevo, broj: 310/2021, maj 2021., data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uvjetima, i načinu izdavanja i čuvanja vodnih akata i Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:


Sanja Miličić, građ.ing.

Prilog:

- Ovjerena projektna dokumentacija: Glavni projekat prikupljanja, odvodnje i tretmana otpadnih voda za planirani poljoprivredni objekat – farma za ovce na parceli k.č. 1094/1 K.O. Brezove Dane, općina Maglaj, urađen od «TZI-INŽENJERING» d.o.o. Sarajevo, broj: 310/2021, maj 2021.
- Konačni izvještaj o izvršenoj reviziji projektne dokumentacije, urađen od «ATRIUS PROJEKT» d.o.o. Živinice, broj: V-25-09/21, septembar 2021.

Po ovlaštenju

Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- Hasanić Šefka
Ulica Aleja Ljiljana S1 br. 7/2, 74250 Maglaj (prilog)
- AVP Sava, ISV-vodna knjiga
- ② Sektor 40 – arhiva
- Oglasna ploča – AVP Sava